

ქ. თბილისი

- 7 - ივნისი , 2012 წელი

სსიპ საქართველოს ეროვნული საინვესტიციო სააგენტო, მდებარე ქ. თბილისი, გ. ჭანტურიას ქ. №12 (შემდგომში “შემსყიდველი”), სააგენტოს დირექტორის მოვალეობის შემსრულებლის, გიორგი ციკოლიას სახით, ერთის მხრივ და მეორეს მხრივ, შპს "რეგული", მდებარე ქ. თბილისი, გაგარინის ქ.№1 (შემდგომში “მიმწოდებელი”), მისი დირექტორის დავით არსენიშვილის სახით, ვთანხმდებით შემდეგზე:

### 1. ხელშეკრულების საგანი

- 1.1. გამარტივებული შესყიდვის გზით, ამ ხელშეკრულების მე-2 მუხლით გათვალისწინებული ანაზღაურების სანაცვლოდ, მიმწოდებელი ვალდებულია 2012 წლის 9 ივნისამდე შემსყიდველს დაუმზადოს ციფრული ბეჭდვით შემსყიდველის მიერ მიწოდებული ინფორმაციის საფუძველზე შემდეგი სახეობის ბროშურა/ტრიპლეტი: ბროშურა "მესტია" 20 ცალი (213X196, 14გვ.); ბროშურა "ქობულეთი" 20 ცალი (213X196, 10გვ.); ბროშურა "ახტალა" 20 ცალი (213X196, 22გვ.); ბროშურა "წყალტუბო" 20 ცალი (213X196, 18გვ.); ბროშურა "10 reason" 50 ცალი (213X196, 18გვ.); ბროშურა/ტრიპლეტი "Real Estate" (360X275, 2 კეცვით) 50 ცალი; ბროშურა "Pharma" (213X196, 14გვ.) 40 ცალი; ბროშურა "Apparel Investment Proposal" (213X196, 14გვ.) 50 ცალი; "დღის განრიგი", A5 ფორმატი 34გვ, 100 ცალი - განკუთვნილი 2012 წლის 9 ივნისს ქ. ყარსში (თურქეთი) ეკონომიკისა და მდგრადი განვითარების სამინისტროს, საინვესტიციო სააგენტოს, თურქეთის სავაჭრო პალატების გაერთიანების და აზერბაიჯანის ექსპორტის და ინვესტიციების ხელშეწყობის ფონდის ორგანიზებით დაგეგმილ თურქეთ-საქართველო-აზერბაიჯანის ბიზნეს ფორუმზე წარსადგენად.
- 1.2. ხელშეკრულების საგნის CPV კოდია: 22150000 (ბროშურები)
- 1.3. ხელშეკრულების გამარტივებული წესით წარმოების საფუძველია სახელმწიფო შესყიდვების შესახებ საქართველოს კანონის 10<sup>1</sup> მუხლის 3-ე პუნქტის დ ქვეპუნქტი - საქართველოს მთავრობის 2012 წლის 28 მარტის განკარგულება # 542.

### 2. ხელშეკრულების ღირებულება

- 2.1 ხელშეკრულების საერთო ღირებულება შეადგენს 5450.00 (ხუთი ათას ოთხასორმოცდაათი) ლარს დღგ-ის ჩათვლით.
- 2.2 ანგარიშსწორება ხორციელდება სახელმწიფო ბიუჯეტის სახსრებით.

### 3. მომსახურების გაწევის პირობები

- 3.1. მიმწოდებელი ვალდებულია 2012 წლის 9 ივნისამდე შემსყიდველს მიაწოდოს ხელშეკრულების 1.1. მუხლით გათვალისწინებული საქონელი

### 4. მიღება-ჩაბარების წესი

- 4.1. საქონლის მიღებას ახორციელებს შემსყიდველის უფლებამოსილი წარმომადგენელი.
- 4.2. საქონელი ჩაითვლება ჩაბარებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების და საჭირო დოკუმენტაციის წარმოდგენის შემდეგ.

## 5. ანგარიშსწორების ფორმა და ვადები

- 5.1. ანაზღაურება მოხდება უნაღლო ანგარიშსწორების ფორმით, მომსახურების გაწევიდან(ანგარიშფაქტურის წარმოდგენიდან და მიღება-ჩაბარების აქტის გაფორმებიდან) 20 სამუშაო დღის ვადაში.
- 5.2. სახელმწიფოსთან საგადასახადო და სხვა სახის ანგარიშსწორებას აწარმოებს მიმწოდებელი.

## 6. მხარეთა უფლება-მოვალეობანი

- 6.1. მიმწოდებელი ვალდებულია:
  - 6.1.1. ხელშეკრულებით დადგენილ ვადაში მიაწოდოს შემსყიდველს შეთანხმებული ხარისხის და ოდენობის საქონელი;
  - 6.1.2. განსაკუთრებული გულისხმიერებით მოეკიდოს შემსყიდველის ინტერესებს;
- 6.2. შემსყიდველი ვალდებულია:
  - 6.2.1. მიღება-ჩაბარების აქტის საფუძველზე მიიღოს მიწოდებული საქონელი, თუ მიწოდებული საქონელი შეესაბამება შეთანხმებულ ოდენობას და ხარისხს;
  - 6.2.2. ხელშეკრულებით დადგენილ ვადაში აანაზღაუროს მიწოდებული საქონლის საფასური.

## 7. მხარეთა პასუხისმგებლობა ხელშეკრულების პირობების დარღვევისათვის

- 7.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზიანისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.
- 7.2. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დღისათვის მიმწოდებელს ეკისრება პირგასამტეხლო ხელშეკრულების ფასის 0.1% ოდენობით. თავის მხრივ ანგარიშსწორების ვადების დარღვევისას, შემსყიდველი ყოველ გადაცილებულ დღეზე, მიმწოდებლის მოთხოვნის საფუძველზე, უხდის მიმწოდებელს ასანაზღაურებელი თანხის 0.1%-ს.

## 8. ფორს-მაჟორი

- 8.1. მხარის (მხარეთა) მიერ ხელშეკრულების პირობების დარღვევა არ გამოიწვევს შესაბამის პასუხისმგებლობას, თუ აღნიშნული დარღვევა გამოწვეულია ფორს-მაჟორული გარემოებების ზემოქმედების შედეგად.
- 8.2. ფორს-მაჟორულია გარემოებები, რომლებიც წარმოადგენენ მხარეთათვის გადაუღალავ, მათგან დამოუკიდებელ პირობებს (არ არიან გამოწვეული მხარეთა განზრახ ან გაუფრთხილებელი, არასწორი მოქმედებების შედეგად) და რომელთა წინასწარ გათვალისწინება შეუძლებელია.

## 9. ხელშეკრულებაში ცვლილებების შეტანა

- 9.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

- 9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.
- 9.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

#### 10. ხელშეკრულების მოქმედების ვადები

- 10.1. ხელშეკრულების მოქმედების ვადა განისაზღვრება 2012 წლის 7 ივნისიდან – ვალდებულების სრულ და ჯეროვნად შესრულებამდე, არაუგვიანეს 2012 წლის 31 დეკემბრამდე.
- 10.2. ხელშეკრულება შესრულებულია 3 (სამი) თანაბარი იურიდიული ძალის მქონე ეგზემპლარად, რომელთაგან 2 ეგზემპლარი გადაეცემა შემსყიდველს, ხოლო 1 ეგზემპლარი – მიმწოდებელს.

#### 11. დავის გადაწყვეტის წესი

- 11.1. მხარეთა შორის წამოჭრილი დავა წყდება ურთიერთშეთანხმებით.
- 11.2. ურთიერთშეთანხმებით დავის გადაუჭრელობის შემთხვევაში დავა წყდება სასამართლო წესით.
- 11.3. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას.

#### 12. ინსპექტირების პირობები

- 12.1. შემსყიდველის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს მიმწოდებლის მიერ ნაკისრი ვალდებულებების შესრულებაზე კონტროლი, მათ შორის მომსახურების ხარისხის შემოწმება.
- 12.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

#### 13. ხელშეკრულების შესრულების შეფერხება

- 13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა აცნობოს მეორე მხარეს შეფერხების ფაქტის შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებასთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის ან ურთიერთშეთანხმების აქტის გზით.

#### 14. ხელშეკრულების შეწყვეტის პირობები

- 14.1. შემსყიდველს შეუძლია ცალმხრივად შეწყვიტოს ხელშეკრულება, თუ:
  - 14.1.1. თუ მიმწოდებელი სისტემატურად არღვევს ან არსებითად დაარღვევს ხელშეკრულებით გათვალისწინებულ ვალდებულებებს;

- 14.1.2. შემსყიდველისათვის საქონლის მიღებამდე ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 14.1.3. შემსყიდველისთვის ცნობილი გახდა, რომ მიმწოდებლის მატერიალური ან სხვა მდგომარეობის საგრძნობლად გაუარესების გამო საფრთხე ექმნება მიმწოდებლის მხრიდან ვალდებულების შესრულებას;
- 14.1.4. თუ წარმოიშვა ხელშეკრულების მე-8-ე მუხლით გათვალისწინებული ფორს-მაჟორული მდგომარეობა, რომელიც საფრთხეს უქმნის მიმწოდებლის მხრიდან ვალდებულების დროულ შესრულებას;
- 14.1.5. თუ წარმოიშვა ხელშეკრულების მე-14-ე მუხლით გათვალისწინებული მდგომარეობა, რომელიც საფრთხეს უქმნის მიმწოდებლის მხრიდან ვალდებულების დროულ შესრულებას.
- 14.1.6. საქართველოს კანონმდებლობით გათვალისწინებულ სხვა შემთხვევაში.
- 14.2. იმ შემთხვევაში თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 50%-ს, ორივე მხარეს უფლება აქვს ცალმხრივად შეწყვიტოს ხელშეკრულება;
- 14.3. ამ ხელშეკრულების 14.1.2, 14.1.3, 14.1.4. და 14.1.5. პუნქტებით გათვალისწინებულ შემთხვევებში შემსყიდველს არ შეიძლება დაეკისროს პასუხისმგებლობა ხელშეკრულების შეწყვეტისა და ვალდებულების შეუსრულებლობისათვის.

**„შემსყიდველი“:**

სსიპ „საქართველოს ეროვნული  
საინვესტიციო სააგენტო“  
ს/კ №204990082  
ქ. თბილისი, გ. ჭავჭავაძის ქ. №12

საქართველოს ეროვნული ბანკი  
ბანკის კოდი 220101222  
ა/ა №200122900  
დირექტორის მოვალეობის  
შემსრულებელი



/გიორგი ციკლია /

**„მიმწოდებელი“:**

შპს „რეგული“  
№ 404 911 878  
თბილისი, გაგარინის ქ. №1.

სს თბილისი ბანკი საბურთალოს ფილიალი  
ბანკის კოდი TBCBGE22  
ა/ა # GE87TB7232436080100003  
დირექტორი



/ დავით არსენიშვილი /